

(639.) CRASSULA BonARIENSIS.

G. glabra; foliis linear-i-lanceolatis, acutis, connatis; pedicellis solitariis, folio longioribus; floribus tetrandris; squamis nullis.

Bulliarda Bonariensis. DC. Bull. Philom. n. 49.

Tillæa peduncularis. Smith in Rees cycl. v, 35, n° 4. — DC. Prodr. 3, p. 382.

RADIX annua, fibrosa. TOTA planta glabra. CAULES plures, subsimplices vel ramosi, ascendentes vel humifusi, teretiusculi. FOLIA opposita, connata, linearia, acuta, 1-2 l. longa, vix $\frac{1}{3}$ l. lata, interno-diis saepius longiora, carnosa. PEDUNCULI axillares, solitarii, filiformes, folio longiores. FLORES albi (St. Hil. mss.), rubentes (teste Commerson). CALYX turbinatus, parvulus, profundè 4-fidus, lobis ovato-lanceolatis acutis, glaber, persistens. PETALA 4, calyce duplò longiora, lanceolata, glabra, persistentia. STAMINA 4, petalis triente breviora, glabra, persistentia: filamenta filiformia, libera: antheræ subrotundæ, minutissimæ. SQUAMÆ nullæ. OVARIA 4, stamina æquantia, oblonga, compressa, glabra, stigmate sessili coronata, 16-ovulata: ovula angulo interno loculorum dupli serie affixa. CARPELLA 4, petalis paulò longiora, stigmatibus persistentibus coronata, longitudinaliter intùs dehiscentia, dehiscentiâ peractâ apice subemarginata. SEMINA cylindracea, basi et apice obtusa, hinc mucronulata, levia: integumentum membranaceum: perispermum nullum: embryo rectus, cylindricus; radiculâ seminis apicem mucronulatum spectante, obtusâ, crassâ, cotyledonibus semi-cylindricis paulò breviore.

Nascitur in pascuis humidis prope prædium *Estancia de Joze Bermudes* in parte provinciae *Rio Grande de S. Pedro do Sul* olim dictâ *Campos neutraes*, necnon in paludosis exsiccatis prope *Monte-Video* (Commers.). Floret vere.